



﴿ \* \* ﴾ فهرس الكتاب ﴿ \* \* ﴾

مقدمة الصلاة	فصل في احكام الايمان
٢٣	٤
بيان الواجب	بيان الفرض
٢٣	٢٣
بيان المكروه	بيان الحرام
٢٤	٢٤
بيان السنة	بيان المباح
٢٤	٢٤
بيان الوضوء	بيان المستحب
٢٥	٢٤
بيان ستن الوضوء	بيان فرائض الوضوء
٢٦	٢٦
بيان مكروهات الوضوء	بيان مستحبات الوضوء
٢٧	٢٧
بيان نواقض الوضوء	بيان اداب الوضوء
٢٩	٢٧
بيان المسح على الخفين	بيان الشك في الوضوء
٣٠	٣٠
بيان الغسل	بيان الاستنجاء
٣٣	٣٢
فصل في التيمم	بيان موجبات الغسل
٣٦	٣٥
بيان كيفية التيمم	بيان ما يجوز به التيمم
٣٨	٣٨

فصل في الانجاس	بيان نواقض التيمم
٤٠	٣٨
بيان الماء الذي يجوز به الطهارة	بيان تطهير الانجاس
٤٣	٤٠
بيان تطهير البئر	بيان الماء المستعمل
٤٥	٤٥
بيان استقبال القبلة	بيان ستر العورة في الصلاة
٤٩	٤٨
بيان الاوقات المكروهة	بيان مواقيت الصلاة
٥١	٥٠
بيان التكبير في اول الصلاة	بيان النية بالصلاة
٥٤	٥٢
فصل في الفرائض في الصلاة	فصل في القيام في الصلاة
٥٦	٥٥
بيان سنن الصلاة	فصل في واجبات الصلاة
٥٨	وستنها
بيان ما يفسد الصلاة	٥٧
٦٢	بيان المكروهات في الصلاة
بيان سجدة التلاوة	٦٠
٦٧	بيان سجدة السهو
بيان الشك في الصلاة	٦٤
٧٠	بيان الحدث في الصلاة
بيان الاقضاء	٦٩
٧٤	بيان ادراك الفريضة
	٧١

بيان قضاء الفوائت	٧٩
بيان اختلاف	٨١
بيان صلاة الجمعة	٨٢
بيان السنن والنوافل	٨٤
بيان صلاة الرغائب والبرات والقدر	٨٦
بيان صلاة التراويح	٨٧
بيان صلاة المسافرين	٨٧
فصل في المتفرقات من الطهارة والصلاة	٨٩
فصل في متفرقات الصلاة	٩١
بيان صلاة الكسوف	٩٧
بيان صلاة الاستسقاء	٩٧
بيان صلاة العبدین	٩٧
بيان صلاة التسبیح	٩٧
فصل في الاذان	٩٨
فصل في صلاة الجنائز واحكامها	٩٩
فصل في احكام الشهيد	١٠٢
بيان ما يفسد الصوم وما لا يفسده وما يوجب القضاء والكفارة	١٠٥
بيان الصوم	١٠٥
فصل في القرآن	١١١
كتاب الكراهة والاستحسان	١١١
فصل في الدعاء وغيره	١١٥
فصل في حق المصاحف وغيرها	١١٣

فصل في حق المساجد وغيرها	فصل في السلام ونحوه
١١٧	١١٩
فصل في تشميط العاطس وتقبيل أيدي الملوك والتواضع لهم وتقبيل أيدي غيرهم ونحوه	فصل في الختان والخصاء وغيره
١٢١	١٢٣
فصل في الخضاب وحلق الرأس والعانة والابط وغيره	فصل في اللبس ونحوه
١٢٤	١٢٦
فصل في استعمال الذهب والفضة ونحوهما	فصل في طلب الرزق
١٢٨	١٢٩
فصل في الاكل ونحوه	فصل في آداب الاكل
١٣١	١٣٥
فصل في الشرب	فصل في الهدايا والصلوات وما يشاكلها
١٣٧	١٣٨
فصل في البيع والشراء	فصل في المعاصي والاستحلال ورد المظالم ونحوها
١٤١	١٤٥
فصل في اللقطة واللقيط	فصل فيما يسع من جراحات بنى آدم والحيوانات وقتلها وما لا يسع من ذلك ونحوها
١٥١	١٥٢

فصل في الاصطبات والذبائح ونحوها

١٦١

١٥٧

فصل في نفع الدماء للميت وجواز نقله وما يكره ان يفعل فيه

١٧٤

فصل فيما يجوز به التداوى وما لا يجوز

١٧٢

فصل في اهل الذمة والاحكام التي تعود اليهم

١٨١

فصل في المحرمات من النسب والسبب والرضاع وما يتعلق بها من الاحكام

١٧٦

فصل في مسائل شتى

١٩٣

فصل في الجهاد وتقسيم الغنائم وما يتعلق به من الاحكام

١٨٤

فصل في اهل الحرب وما يتعلق به من الاحكام

١٨٨

فصل في الاخلاق الحميدة

٢٨٠

فصل في الاخلاق الذميمة

٢٧٤

فصل في افات الكفر والالفاظ والكلمات التي توجب التعزير

٢٩١

فصل في بيان التقوى

٢٨٣

وصايا لعموم الناس

٣٠٧


﴿ رتب هذا بمعرفة الفقير ﴾

﴿ محمد جمال الدين ﴾



اشبوکاب صحتنصابت مؤلفی بین العلماء ابوالبقا کتبه سیله مشهور  
 وبتعارف اولان کفوی السید ایوب افندیدر که والد کثیر  
 المحامد لری کفه مقنسی شریف موسی افندی نجیبی قضا  
 وارتحال داربقا ایلدکلرند ه قدس شریف مولوتبی پایه سیله  
 پدرلری یرینه نیجه سنه مفتی اولمش و برمدتد نضکره وزیر اعظم  
 درویش محمد پاشا طرفندن عنبه علیه دعوت و زیاده حرمت  
 و رعایت اولنه رق عهده لرینه برکه قضاسی بعده قلبه قضاسی  
 توجیه بیورلمش و بعد العزل کمال علم و فضلی سیدیه بعض حساد  
 غمز ایتملرله سلطان محمدخان رابع حضر تلیرتک امر وفرما نلرله  
 کفیه نفی اولنوب اون ایکی سنه مقداری بلده مزبورده فرش  
 فالیجه اقامت ایلمش و بعد اللتیا والتی قریم خانی سلیم کرای خان  
 رجاسنیه ینه استانه سعادت اشیانه کلش و طرف اشرف  
 پادشاهیدن مستوفی معاش تعیین اولنه رق اعزاز و اکرام قیلتمش  
 و خلیج دارالسلطنه السنیهده استنیه نام محله واقع ساحلخانه لرند  
 پیغوله نشین عزات و ازوا اوله رق سرمایه عمر عزیزلرین تجارت  
 تألیفاته صرفله افنا و کریمه ❀ کل نفس ذائقه الموت ❀  
 و فقیجه بیک طقسان درت سنه سی نجیبی قضا و عازم دارالبقا  
 اولوب و صبتلری اوزره حضرت خالد رضی الله عنک تربه  
 شریفلرینه متصل جانب غریبسنده دفن اولنمش در مرحوم  
 مشارالیه علوم نافعده یکا و فنون لامعه ده بیهمتا اولوب علوم  
 عربیهده نیجه تصنیفات و بونجه تألیفات و اردر کلیات علوم  
 ابی البقا علی وفق اللغة جمله معتبراندند در تعریفات ابی البقا  
 دخی دیرلر و بوکتاب لسان سلاست رسان ترکیده معتمد علیه  
 و مسائل اقوی و کتب معتبره دن ما خوددر اسکنه الله فی الجنه  
 نغمه الفقیر محمد جمال الدین المصحح لتقویم الوقایع





﴿بِسْمِ اللَّهِ الرَّحْمَنِ الرَّحِيمِ﴾

وتقدس له من نقصان  
 انت باق كل شيء فان  
 خالق الخلق ورازق الحيوان  
 ومريد قبيحنا وحسان  
 متكلم هو بكل لسان  
 من دعا بنا الى هدى القران  
 وسائر الخلق هكذا الاذعان  
 بقوى الدليل والبرهان  
 شأنه قد علا عن البهتان  
 خاتم الانبياء في القران  
 ملجاء منجاء من النيران  
 يحشر الناس فيه للرحمن  
 وعلى التابعين بالاحسان  
 ابداد ائمة الى الميزان  
 كنج غفلته واله وحيران  
 زيد وعمر ككاشبه همان

تحمده الله كل حين وآن  
 واحد انت لا اله سواك  
 انت حي وقادر وعليم  
 وقديم بلا ابتداء له  
 وبصير سميع مولانا  
 ضلي يارب باكرم الصلاة على  
 سيد الرسل والملائكة  
 ثابت بعشه اكلهم  
 كل ما جاء حق وصدق  
 احد مضطفي فحمد امين  
 انت يا فخر كل موجود  
 من يلوذ سواك في يوم  
 وعلى الال ثم والصب  
 فعليك الصلوات مولانا  
 بعد زمان بوفقير بر تقصير  
 نجه مدت كچوردی عمر بنی

همتی قلدی دردیسه درمان  
 خالی اولمازدی مجلسی برآن  
 اولش ایدی یکانه دوران  
 دیلدی ییلدزم ندر ایمان  
 لیک حفظی دکل آنک آسان  
 ترکی الفاظله اولنه بیان  
 منتفع اوله هر کورن اخوان  
 شویله که فهم ایده انی نسوان  
 امثال ایلدک اکا اول آن  
 ایلدم بر جزیده کیم عیان  
 دخی اشباه دخی قاضیحان  
 دخی والوالجی و تانار خان  
 قاعدی صوفی و خزانه جان  
 تاقبول ایده اول کریم الشان  
 بر فصل ایلدم انی اعلان  
 دخی صوم کراحت استحسان  
 صکره تقوی صوکنده کفر لسان  
 طوتانک هر ایشی اولور آسان  
 مختصر دز ملوک ایدر اذعان

عاقبت بر کریم سلطانک  
 علم از مره سینه مائل اولوب  
 کندوسی دخی پر معارف ایدی  
 بزه فرمان ایدوب اوشه بزکون  
 اکا مافی الضمیری ذکر ایتدم  
 پس بیوردی ایدم انی تخریر  
 ضم ایدم اکه هم مسائل دین  
 ایتمیم انده اصطلاح غریب  
 چون بو فرمان ایزشدی سمعمره  
 جمع ایدوب بزنیجه مسائلی پس  
 کور کیدندر اکثری تقلم  
 قنیه بزازی مشتمل اکمل  
 کیز و کافی وجیز داخی محیط  
 کورد بکیم هر نوادری یازدم  
 اولابدأ ایدوب عقاید دن  
 ثانیبار مقدمه یله صلاة  
 اکا ضم ایلدم دخی اخلاق  
 بعهده بروصبت ایتدمکه  
 خاتمہ بروصبت اولدی دخی

چون تمام اولیحق بوتالیفک  
 شهرتی اولدی تحفة الشاهان

ایله یارب ز خیر آخرتم  
 انی سدسدید نار ایله  
 قبر و حشر مرده قیل انی مهبان  
 کورمیم دوزخک یوزین برآن

شمدی وقت اولدیکه شروع ایدرز

|| مستعینا بر بنا المنان ||

\*\*\* | فصل فی احکام الایمان | \*\*\*

اولاً قولك اوزرینه بالغ اولدقدن صکره واجب اولان جبع  
فرائضدن مقدم حق تعالی حضرتنه ایمان کتوروب الکقدر  
بر کیمسه حق تعالی حضرتی شان شریفنه لایق اولیان وجهله  
اکلسه ایمانی صحیح اولماز بر کیمسه احکام ایمانی بیلسه هر ایشلدیکی  
عبادت درست دکلدن بر عاقله وبالغنه عورته احکام ایماندن  
سؤال اولندقدنه بیلمزین دیسه ارندن بوش اولور اما ندر دیو  
سؤال ایتموب شوپله شوپله دکلیدر دیو تلقین طریقله سؤال  
اولتمق کرکدر بر کیمسه مشرکه اولان و یا خود اهل کتابدن اولیان  
جاریه یه مالک اولسه ایمانک احکامنی وارکاتی بیلدر منجه وطئی  
حلال دکلدن بر قصاب ایمانک احکامنی وارکاتی بیلسه ذبیحه سی  
حرامدر هر کیمسه کندو حکمی التنده اولنله ارکان ایمانی  
ونمازی وصومی و درست اوله حق قدر قرآن عظیم الشانی او کرتمک  
واجبدر یوم قیامتده اول کیمسه اندن سؤال اولنور ایمدی حق سبحانه  
وتعالی حضرتنه ایمان کتورمک و بیتمک بویله کرکدر که ایده لر  
شهادت ایدر مکه عبادته لایق و مستحق کیمسه یوقدر الاحق تعالی  
حضرتی وارد شریکی ونظیری یوقدر کیمدن وقوشمدن و یمدن  
و ایچمدن و او یومدن وطورمدن و او تورمدن و طوغمدن و طوغرمدن  
وعورتدن و اوغلاندن و قزدن بریدر و منزهدر بونسنه لاندن  
اولماز و اولوق دخی تمکن دکلدن کوکده و یرده صاغده وصولده  
اوکنه واردده اوستنده والتنده دکلدن مکاندن و جبع امکانه  
وجهاتدن منزهدر کوکدر و یرر حکمنده و علمنده و قدرتنده در  
حق تعالی حضرتنک مکانی وارد دیو اعتقاد ایدن کافر اولور

بعض کیمسه لر یوقار وده الله دیرلر اکر مکان مراد ایدرلر سه  
 کافر اولور اکر حق تعالی عالی بدر یوجه در دیمک ایسه کافر  
 اولماز لکن بو معنایی عوام ناس بیلزلر دعاده ایلری یوقار و  
 طوتلق جهت فوق دعایه قبله اولدیغیچوندر وحق تعالی  
 حضرتی صورتدن و شکلدن ورنکدن واعضادن باش و قولق  
 و کوز و دل و بورون و اغز و ال و ایاق کبی نسنه لردن مزهدر  
 وجه وید و نفس کبی شیلرکه حق تعالی کلام قدیمده بوشیلر ایله  
 مذکوردر اول شیلر حق تعالی حضرتنه بلا کیف صفتدر  
 و غضب و رضا و سایر کیفیات نفسانیه لر حق تعالی حضرتنک  
 بلا کیف صفاتنددر بو صفاتک کیفیتی بعضیلره مشبه اولغله  
 اصل معلومی انکار ایدوب مثلاً یدی قدرت یا خود نعمت ایله تعریف  
 ایدوب تعطیل صفات الله ایتشلردر اما اهل سنت نص ایله  
 معلوم اولان شیکه اصلدرانی اثبات ایدوب منشا به اولان شیکه  
 اول کیفیتدر انده توقف ایدوب اول کیفیتنی طلبه اشتغالی جائز  
 کورمشلردر ( و الراسخون فی العلم یقولون آمنابه کل من عنده  
 ربنا ) وحق تعالی حضرتنک و ارلغنک اولی و آخری یوقدر  
 و ارلغنی کندودندر غیریدن دکدر ذات شریفی بر حال اوزره  
 ثابتدر خسته اولدن و غصه لمدن و قورقدن و تقیراادن بریدر  
 ا کسکک صفاتلرینک جله سندن بریدر و بوجله اشیا یوغیکن  
 اول و ار ایدی و هیچ کیمسه به محتاج دکدر معجزدن بریدر مراد  
 اینسه بوجله عالمی بر آنده یوق ایدوب کیر و وار ایدر ا کا هیچ  
 برایش کوج کلز بر سنجک یرا تمغله بو کوکلری ویرلی یراتمق ا کا  
 بردر کیمسه ا کا حکم ایده مز اول جله به حکم ایدر و هیچ ا کا  
 برنسنه لازم و واجب دکدر بر کیمسه دن نفع و یا ضرر کورمدن  
 بریدر جله کافر و فاسقلمؤمن و مطیع اولوب عبادت اینسه لر

اكا هيچ زفانده اولماز و جهله خلق كافر اولسه اكا هيچ ضرر  
 كلز و حق تعالى حضرتي عليه در جميع معلوماتي بر كز دن  
 بيلور كه بريني بلك برينه حجاب اولماز كوكلرده برلده كيرني و آشكاره  
 اولتيري جهله بيلور جزئياتي و كلياتي كچمشرلي و كله جكلري  
 حاضرلي و غائبي جهله بيلور غيبي هيچ كچمه بلز فكر الله تعالى  
 بيلديره اونو تمقندن و غفلتدن و سهودن بريدر و بيلسي ازليدر  
 قديمتر صكره دن دكلدر و حق تعالى حضرتي سمعدر جميع  
 مسموعاتي بر كز دن ايشيدر كه بريني ايشتمك برينه حجاب اولماز  
 كيرني اولسون اشكار اولسون لکن ايشتمني بزم كچي قولاغله دكلدر  
 و حق تعالى حضرتي بصيردر جميع مبصراتي بر كز دن  
 كورر كه بريني كورمك برينه حجاب اولماز قرانلق كچمه ده قره  
 قرنجه نك قره طاش اوز رنده يوز و ديكني كورر و اياغلك صداسني  
 ايشيدر كورمسي دخی بزم كچي كوزيله دكلدر و حق تعالى حضرتي  
 فريدر در ديلدوكني ايندر ديلدوكني نسنه وجوده كلز هيچ اكا  
 بر كچمه كوچله بر نسنه ايندر مكه قادر دكلدر و هر نسنه كه عالمده  
 وارد ر جهله انك ديله سيله اولمشدر و اولور اكر خير و اكر شر  
 مؤمنك ايمان و مطيعك طاعتن ديله مشدر ديله ماش اولسيدي  
 بر كچمه مؤمن و مطيع اولماز ايدى كافر ك كفرني و فاسقك فسقني  
 ديله مشدر اكر ديله ماش اولسيدي بر كچمه كافر و فاسق اولماز ايدى  
 هر نسنه كه بزاني ايشلر زانك ارادتيله ايشلر زمراد ايتديكي نسنه  
 وجوده كلز اكر ديلسه جهله بي كافر و عاضى ايدرايدى فاعل مختاردر  
 ديلديكي و ايشلديكي نسنه دن سوال اولماز اول جهله به سوال  
 ايدر و ايشلديكي نسنه لده نيجه حكمتلر و فائده لر وارد بر بزم  
 عقلميز اكا ايشمز كافر لري خلق ايتديكنده و كفر لرين ديلديكنده  
 بيلانلري و عقربلري بر اتمينده نيجه حكمتلري وارد بر بزه انلري

بئلك لازم دكلدر بزه لازم اولان اعتقاديمزى بو يلجه ايتمكدر  
 ارادتي دخي قديمدر ازليدر صكره دن اوله دكلدر وحق تعالى  
 خضرتي قادردر هرمكن اولاني يارادر ديلرسه اولوي در اتمكه  
 وطاشي واناجي بوريدوب سويلتمكه وصوبي يوقار و آقتمغه  
 وطاشي يرايله كوك اراسنده طوردرمغه وبرقولي برساعتده مفر بدن  
 مشرقه ايلتمكه و برساعتده بريدون بدنجي قات كوكه ايلتوب  
 كبر و كشمكه قادردر قدرتي دخي قديمدر ازليدر صكره دن  
 اوله دكلدر شمدن كبر و دخي دوكنوردكلدر وحق تعالى خضرتي  
 متكلمدر درلو درلو سويلر لكن سويلديكي بزم كبي اغزوديل ايله  
 دكلدر بعض قوللرينه واسطه سز و بعضيلرينه واسطه ايله  
 سويلر بو ذكر اولنان صفات حق تعالى خضرتك صفات قديملردن  
 اولوب ذات شريفيله قائمدر زوالدن و تغير اتدن بيلردن  
 وحق تعالى خضرتي خالقدر هرشي يرادن اولدر اندن غيري  
 يراديني يوقدر آدملك و حيوانلك ايشلريني و حركت و سكونلريني  
 يرادن اولدر و عبادتلريني و كفرلريني و ايمانلريني و عبادت كاهلريني  
 و خير و شرلريني يرادن اولدر الك قلداديغني و ديلك سويلديكني  
 و كوزك آجلديغني و قپانديغني يرادن اولدر و سنكلرك اوچديغني  
 و ايقلرني قلداديغني و آوازلريني يرادن اولدر جمع موجوداتك  
 برزقن و یرن اولدر اولديزوب ديرلن اولدر و خسته ايدن و صاغ  
 ايدن اولدر آتش طوقنديغني یرك اسبسنی و يانمسنی و قارطوقنديغني  
 یرك صوغوق اولمسنی و او شتمسنی يرادن اولدر قادردر كه بر كيمسه بي  
 آتش ايچنه قوسهلر ياقدر ماميه و قار ايچنده اوتوراني او شتمكه  
 قادردر بلكه درلده و يا خود يانديره لكن عادت الله بو يله جار بدر كه  
 آتشده ياقق و قارده او شتمك يرادر ياقق و او شتمكي يرادن اولدر  
 آتش و قار دكلدر و بالجه اندن غيري مؤثر يوقدر جمله اشيا

بالذات انك مخلوق دیر پس بر کیمسه حق تعالی حضرتك صفاتی  
 مخلوق دیر و یا خود محدثه در دایسه و یا خود توقف اینسه یعنی  
 طلب معرفتی تا خیر اینسه و یا خود اول صفاتك وجودنده  
 بتلك ایله شك اینسه اول کیمسه کافر بالله اولور کفری موجب  
 اولان جهل وشك حق تعالی حضرتك حیات وقدرت وعلم  
 وکلام وسمع وبصر و ارادت وتخلیق وترزیق صفاتلرینه  
 مخصوص دیر مشر و شهادت ایدر مکه الله تعالی حضرتك  
 ملکری واردر بعضیسی نوردن و بعضیسی ناردن  
 یاراد لشدر اللهم امریله عاملدر انسان کبی انلر الله تعالی  
 حضرتنه عاصی اولمازلر معصوملر در قطعا کاه ایتمزلر یتمزلر و ایچمزلر  
 ارککلك و دیشبلك انلرده اولماز انلرک ایچنده مقر بلر و بیغم بلر  
 واردر هر برینی الله تعالی حضرتی بر خدمته قومشدر کیمی یرده  
 و کیمی کوکده و کیمی دائم قیامده و کیمی دائم رکوعده و کیمی دنم  
 بیجودده و کیمی دائم تسبیحده و کیمی دائم آدم اوغلنلرینه مؤکلدر  
 عمللرینی یازر لر انلره کراما کاتبین و حفظه دیرلر و بعض ملکلرینه  
 عظیم جنه وقوت و پرمشدر حضرت جبرائیل علیه السلام کبی  
 پر ساعتده کوکدن یره اینز و بر طانی قنادینک برتویله قالدیرلر  
 و طاغیدر و حضرت عزرائیل علیه السلامی جان المغه مؤکل  
 قلمشدر صور دیدکری بر پوک بوینوز کبی نسنه در اسرافیل  
 علیه السلامک حالا الدهه در اغزینی دلیکنه اورمشدر الله تعالی  
 حضرتك اذنی اولدقده انی اوفورسه کرکدر اندن بر برك آواز  
 چیقوب ایشیدنلر جمله اولسه کرکدر ایکی کره اوفورر بری جمله  
 جانلری اولدرمک ایچون بر نیجه مدت بو عالم اسسز یاتدقندن  
 صکره حق تعالی ینه اسرافیلی دیر ادوب بردخی صوری  
 اوفوروب جمله اولوزی دیرلسه کرکدر و شهادت ایدر مکه

الله تعالى حضرتك كابلری وارد حضرت جبرائیل علیه  
 السلام ایله کوکدن ایندرلشدر یر یوزنده اولان پیغمبرلرینه  
 و پیغمبرلردن غیره کاب اینمز و جبرائیل علیه السلام کلز بزم  
 پیغمبریمز محمد مصطفی صلی الله تعالی علیه وسلم حضرتلرینه  
 قرآن عظیم الشان اینمشدر عرب لسانی اوزره کرک اولدوقه  
 یکریمی اوچ سنه ده تمام اولمشدر و حضرت موسی علیه السلامه  
 تورات اینمشدر عبرانی لسانی اوزره و حضرت عیسی علیه  
 السلامه انجیل اینمشدر یونان لسانی اوزره و حضرت  
 داود علیه السلامه زبور اینمشدر سریان لسانی اوزره  
 و غیر یسن غیری پیغمبرلره ایندرمشدر یوز صحف درت کاب  
 ایندرلشدر دیو بعض نسخه ده تصریح اولمشدر لکن نص قاطع  
 یوقدر محل احتراذرر جمله حقدر ایمان کتورمک واجب اولمقد  
 جمله سی بر اذدر لکن قرآن عظیم الشان جمله دن مؤخر اینمشدر  
 حکیمی قیامتهدک باقیدر نسخ و تبدیلدن بریدر اول اینن کابلرک  
 بعض حکیمی نسخ اینمشدر انلر ایله عمل شمیدی جائز دکلدر بو جمله  
 کوکدن اینن کابلره مخلوقدر دیمک کفردر اگر معناسنی هر اد  
 ایدوب دیر ایسه اما کاتب یازدیغی حروفی مخلوقدر دیر ایسه  
 جائزدر و شهادت ایدرمکه الله تعالی حضرتک یر یوزنده  
 پیغمبرلری وارد انلر الله تعالی ک قوللر یدر هر نه پیوردیلر ایسه  
 حقدر بونلرک بعضیلری هر سلدر یعنی اوزرینه وحی کلشدر  
 وهم صاحب شریعتدر و بعضی نبیدر یعنی الهامله و یا خود  
 رؤیا ایله عمل ایدر صاحب شریعت دکلدر کابلره عدد معین  
 اولدیغی کی پیغمبرلره دخی عدد معین یوقدر بودخی محل احتراذرر  
 و یوز یکریمی درت ییکدر دیدکلری روایت ایله عمل اولنماز و هیچ  
 قول جنسی و عورت جنسی پیغمبر اولماشدر ذوالقرنین و لقمان

وخضرك پيغمبر اوللرى خلاف اوزره در اما بعض تفسيرده  
 خضرك پيغمبر اولديغي محققدر ديو تصريح اولمشدر و جله  
 پيغمبره وحى كلكدن صكره كاه كايردن وصفايردن معصوملردر  
 و جله پيغمبرك اولى حضرت آدم عليه الصلاة والسلامدر  
 الله تعالى انى قورى بالحققدن يراشمدر جله نك اصلى اولدر آدمه  
 سجده ايدك ديومكراه امر اولندقدده جله سى سجده ايتمشدر ابلبس  
 عليه اللعنه سجده ايتبوب بن اندن خيرلوييم ديديكچون الله تعالى  
 اكالعت ايدوب قومش وقيامتد كين مهلت وچوق اولاد  
 و يرمشدر جله اولادريه آدم اوغلانلرينه اغوا ايدرلر آدمك ايچنه  
 زه دن كركسه كيررل طمهلرده فان كزر كبي ادمك ايچنده كزرلر  
 لكن كيسه پي كوجله كافر وعاصي ايدمه مزلر انجق وسوسه ويررلر  
 هر مؤمنه لازمدر كه انلرى قوى دشمن بيلوب وسوسهلرينه اويمه لر  
 و جله پيغمبرك آخري بزم پيغمبريمز حضرت محمد المصطفى صلى الله  
 تعالى عليه وسلمدر بو ايكي پيغمبرك اراسنده چوق پيغمبرلر كلشدر  
 حسابن الله تعالى حضرتي بيلور و حضرت محمد عليه الصلاة  
 والسلامدن اول كلن پيغمبرلر ك هر پرى برطائفه به كوندرلمشدر  
 حضرت محمد المصطفى صلى الله تعالى عليه وسلم جله انس و جنه  
 كوندرلمشدر شرع شريفى قيامته دكين باقيدر و بزم پيغمبريمزه مطيع  
 اولمق يراهلى اوزرينه نيجه لازم و واجب ايسه كوك اهلى اوزرينه  
 دخی بو يلجه لازم و واجبدر هر پيغمبرك معجزاتي واردر كوندرلديكي  
 طائفه نك حاللرينه كوره معجزه ويرلمشدر مثلا حضرت موسى  
 عليه السلامك عصرنده اكثر خلق ساحر اولنغله عصاصى  
 اژدر اولمسي معجزه ويرلمشدر كه تا اول ساحرلك سحرلرينى ابطال  
 ايليه و حضرت عيسى عليه السلامه اولوديرلتمك معجزه سى  
 ويرلمشدر زيرا اول عصرده حكما و اطبا چوق اولنغله و بزم

پیغمبر میز علیہ الصلاۃ والسلامہ قرآن عظیم الشان مجزہ  
 ویرلشدر زیر اول زمانده فصحا وبلغا چوق اولغله قتی اقصر  
 سوره سنک نظیرین کتورمه دن جله عالم خلقی عاجز اولمشدر  
 زیرا الله تعالی کلامیدر مخلوق اکا نظیر کتورمه قادر دکدر  
 ویزم پیغمبر میز حضرت محمد صلی الله تعالی علیه وسلمک معجزاتی  
 قتی چوقدر مبارک پرمغندن صول آقتمشدر وقری مبارک پرمغیله  
 اشارت ایدوب ایکی پاره ایلشدر و حیوانلر وانا جالروطاشلر  
 یا محمد سن حق رسول سین دیوشهادت ایتمشدر و برکیجه ده مکه دن  
 قدس مبارک واروب اندن کوکله چیقوب جنتی و جهنمی کزوب  
 وحق تعالی ایله سویلشوب و کورمشدر لکن اندن غیری برکیسه  
 الله تعالی حضرتی دنیاده کورمشدر شمدن صکره دخی کورمز  
 لکن آخرته جنته مؤمنلر باش کوزیله کورسه لکرک اوکلرنده  
 و اوستلرنده اولغله دکل هرکیم بونی انکار ایدرسه کافر اولور  
 معترله جلال و عظمتنه بناء رؤیتی انکار ایدر لسه مبتدعلردر  
 یعنی مرتکب کبیره اولور لر رؤیتی محالدر دیر لسه کافر لر دینینه  
 اول کیجه صباح اولمه دن کیر و مکه یه ایتشدر معراج اویانقلقده  
 رسولک مبارک تن شریفی اوزرینه اولمشدر بونی انکار ایدن  
 مبتدع و اهل ضلال اولور خلاصه ده مذکوردر که معراجی  
 انکار ایدن اکر اسرائک مکه دن بیت مقدسه اولدیغنی انکار  
 ایدرسه کافر اولور بیت مقدسه دن معراجی انکار ایدرسه کافر  
 اولماز زیرا صورت اولی نص قاطع ایله ثابتدر و حضرت محمد  
 صلی الله علیه وسلم عورتلرنکاح ایتشدر خدیجه و عایشه وغیریلر  
 کبی رضی الله عنهن و اولاد لری اولمشدر قاسم و عبدالله و ابراهیم  
 رضی الله عنهن و قزلی اولمشدر فاطمه ورقیه وزینب وام کلثوم  
 رضی الله عنهن ابراهیم دن غیریلری جله خدیجه دن اولمشدر

ابراهیم ماریه آدلو بر جاریه دن اولمشدر و جله اولادی او کنبجه  
وفات ایدوب حضرت فاطمه رضی الله عنها صکره وفات ایتمشدر  
وانی حضرت علی به تزویج ایتمشدر حضرت حسن و حسین  
رضی الله عنهما اندن طوغمشدر جله قزل ینک افضلیدر  
وسو کولیسیدر و پیغمبریمز قهرق یاشنده وحی کلمشدر التمش اوج  
یاشنده آخرته انتقال ایتمشدر مکه ده دنیایه کلوب مدینه به هجرت  
ایدوب انده انتقال بیورمشدر اندن صکره پیغمبرکلمک یوقدر  
خاتم الانبیادر ﴿ و شهادت ایدر مکه کرامات اولیا حقدر و وایر  
درجه سی نیدر درجه سینه یتشمز و جله وایرک افضلی حضرت  
ابو بکر الصدیقدر رضی الله عنه رسول الله صلی الله تعالی علیه  
وسلم حضرت لرینک قاین اتاسیدر قزی عایشه صدیقه بی پیغمبره  
ویرمشدر پیغمبریمز انتقال ایتدکدن صکره یرینه خلیفه اولمشدر  
خلافتی حقدر و اندن صکره افضل اولیا حضرت عمر رضی الله  
عنه در حضرت ابو بکردن صکره اول خلیفه اولمشدر خلافتی  
حقدر قزی حفصه بی رسول الله صلی الله تعالی علیه وسلم  
تزویج ایتمشدر اندن صکره افضل حضرت عثمان رضی الله  
عنه در حضرت عمر دن صکره اول خلیفه اولمشدر خلافتی  
حقدر پیغمبریمز صلی الله علیه وسلم اکا ایکی قزین تزویج  
ایتمشدر بری وفات ایتدکده برین دخی تزویج ایتمشدر اندن  
صکره افضل اولیا علی رضی الله عنه در حضرت عثمان دن  
صکره اول خلیفه اولمشدر خلافتی حقدر و جله اصحاب رسول الله  
صلی الله تعالی علیه وسلم عادلردر حق اوزره درلر انلری سومین  
مبتدع و فاسقدر بز جله سنی سنوه رز و شفاعت لرین اومارز اللهم  
ارزقنا ﴿ و شهادت ایدر مکه عذاب قبر حقدر آدم اوغلانی  
اولوب قبره وارد قده اکر مؤمن اکر کافر اکر بیوک اکر کوچک